

Tuarascáil Feidhmíochta



Oifig an Ard-Reachtair Cuntas agus Ciste
Office of the Comptroller and Auditor General

NEAMHSPLÉÁCH. OIBIAHTÚIL. CUIDITHEACH. TIOMANTA DON SÁRMHAITHEAS.

2026

2025

2024

2023

2022

2021



Clár

2024 Na Príomh- Brollach Bhuaicphointí

Na Príomh-Bhuaicphointí. iii

Teachtaireacht ó Seamus McCarthy. v
Teachtaireacht ó Colette Drinan. vi

Réamhrá

Cuspóirí Straitéiseacha. 3

Príomhshonraí


An Méid a Chuirimid ar Fáil. 5
An Tionchar a Bhíonn Againn. 7
Feidhmíocht Airgeadais. 9
Acmhainní a Chur ar Fáil. 10
Acmhainneacht a Fhorbairt. 11

Faisnéis Bhreise agus Príomhthreochtaí

Líon na n-iniúchtaí a cuireadh i gcrích. 15
Tráthúlacht an deimhnithe iniúchóireachta. 17
Scrúduithe. 20
Cáilíocht a chinntiú. 21
Tionchar ár saothair a thomhas. 23
Suirbhé aiseolais na gcomhlachtaí ar a ndearnadh iniúchadh. 27
Léargais iniúchóireachta. 29
Feidhmíocht airgeadais. 31
Ár bhfoireann. 33
Ár n-ionchur idirnáisiúnta. 35
Áit oibre den scoth. 41
Suirbhé Rannpháirtíochta Fostaithe na Státseirbhíse. 45
Cothromaíochta inscne. 47
Acmhainneacht a fhorbairt. 53
Comhionannas, éagsúlacht & cuimsiú. 59
Freagracht chorparáideach agus rannpháirtíocht. 63


2024 Na Príomh-Bhuaicphointí

Cuntais Dheimhnithe:
**An Sprioc 9 Mí bainte
amach**



Deimhníodh **97%** de
na cuntais a bhí le
hiniúchadh in 2024, nuair
a tomhaiseadh iad de réir
luacha, laistigh de naoi
mí ó dheireadh na bliana
airgeadais (sprioc **95%**)

Scrúduithe:
Sprioc bainte amach



Cuireadh **25** scrúdú i gcrích maidir
le gnéithe de sholáthar seirbhíse
poiblí agus úsáid acmhainní poiblí
(sprioc **25**)

Eisiúint chreidmheasa:
Tráthúlacht

100%


Freagraíodh 100% de na
hiarratais ón Aire Airgeadais
maidir le soláthar agus
creidmheasanna ráithiúla chun
cistí a eisiúint ó Lárchiste an
Stáitchiste sular thosaigh an
tréimhse chreidmheasa

Moltaí:
Ráta glactha

100%

Rinneadh 34 moladh a bhí
dírithe ar dhea-chleachtas
agus feidhmíocht fheabhsaithe
a chinntiú, agus ghlac an
comhlacht ar a ndearnadh
iniúchadh le 100% de na moltaí
sin

Tuairim iniúcháireachta:
**Tuairim iniúcháireachta
shoiléir**



Eisíodh tuairim iniúcháireachta
shoiléir in 95% de na ráitis
airgeadais a deimhníodh in 2024

Brollach



SEAMUS McCARTHY
An tArd-Reachtaire Cuntas agus Ciste

Tá ról lárnach ag Oifig an Ard-Reachtaire Cuntas agus Ciste maidir le tacaíocht a thabhairt dom i mo ról mar Ard-Reachtaire Cuntas agus Ciste i leith phróiseas na cuntasachta daonlathaí agus i dtuairisciú ar chistí poiblí in Éirinn agus ina n-úsáid. Mar chuid dá cuntasacht féin, tá sé de dhualgas ar an Oifig tuairisciú go poiblí agus go trédhearcach maidir leis an gcaoi a n-úsáideann sí na hacmhainní a thugtar di, fearacht na gcomhlachtaí poiblí uile eile. Tá an-áthas orm fáiltiú roimh fhoilsiú thuarascáil feidhmíochta 2024 don Oifig.

Léirítear leis an tuarascáil seo gur lean lucht bainistíochta agus baill foirne na hOifige de sheirbhís iniúchóireachta éifeachtach agus ar ardchaighdeán a sholáthar do chomhlachtaí poiblí. Tá siad tar éis cultúr tacaíochta foireann-bhunaithe a chothú a bheidh ábalta ár luachanna a choinneáil ar bun sa todhchaí, agus a chruthaigh áit oibre iontach anseo.

Táim fíorbhuíoch d'fhoireann na hOifige as a dtacaíocht leanúnach agus a dtiomantas a chuireann ar mo chumas mo chuid feidhmeanna reachtúla a chomhlíonadh.



COLETTE DRINAN
Rúnaí agus Stiúrthóir Iniúchóireachta

In 2024, leanamar de dhíriú ar sheirbhísí iniúchóireachta gairmiúla ar ardchaighdeán a sholáthar ar bhonn tráthúil, bunaithe ar ár gcroí-luachanna. Mar aon le dul chun cinn a dhéanamh ar ár spriocanna straitéiseacha atá ann cheana féin, chuireamar tús leis an bpróiseas a bhaineann lenár gcéad phlean straitéiseach cúig bliana eile a fhorbairt. Ghlacamar céimeanna freisin chun inbhuanaitheacht na heagraíochta ar an iomlán a mhéadú a thuilleadh. Is iad seo a leanas cuid de na príomhéachtaí a baineadh amach in 2024:


- » Maidir le cuntais 2023, deimhníodh 97% (de réir láimhdeachais); 71% (de réir lín) laistigh de naoi mí ó dheireadh na bliana airgeadais
- » Cuireadh 25 tuarascáil iniúchóireachta ar fheidhmíocht i gcrích inar pléadh le gnéithe de sheirbhís phoiblí a sholáthar agus acmhainní poiblí a úsáid
- » D'aithin Great Place to Work muid mar cheann de na hÁiteanna Oibre is Fearr in Éirinn, le haghaidh gnólachtaí meánmhéide, i dteannta le gradam speisialta a bhronnadh orainn as cultúr ár n-eagraíochta
- » Cathaoirleacht a dhéanamh ar Fhochoiste um Iniúchadh Feidhmíochta INTOSAI
- » Leathnú leanúnach ar an úsáid a bhainimid as anailísíocht sonraí agus teicneolaíochtaí nua eile chun ár n-éifeachtacht fhoriomlán a fheabhsú, mar a léirítear trí roghnú ár gcuid oibre ar ghearrliosta Ghradam Nuálaíochta na Státseirbhíse
- » Deimhniú a fháil faoi ISO/IEC 27001:2022 arna nuashonrú maidir le slándáil ár ríomhchóras agus ár nósanna imeachta láimhseála faisnéise
- » Leanamar de dhul chun cinn a dhéanamh maidir lenár spriocanna éifeachtúlachta fuinnimh agus laghdaithe astaíochtaí a bhaint amach

Ba mhaith liom buíochas a ghabháil leo siúd san Oifig as an tiomantas, gairmiúlacht agus nuálaíocht leanúnach, lena rabhtas in ann na gnóthachtálacha sin a bhaint amach.

I. An Réamhrá

Léirítear faisnéis feidhmíochta thábhachtach d'Oifig an Ard-Reachtair Cuntas agus Ciste sa tuarascáil seo. Léirítear sa tuarascáil an fheidhmíocht in 2024 i gcomparáid leis na blianta roimhe sin, faoi **sé théama** agus meascán de mhodhanna cainníochtúla agus cáilíochtúla á n-úsáid.

Is iad seo a leanas na téamaí sin:




Cuspóirí Straitéiseacha

Is í seo an ceathrú bliain de chur chun feidhme Ráiteas Straitéise 2021-2025. Tá trí phríomhthosaíocht agus roinnt bunstraitéisí san áireamh sa straitéis sin. Gheall an Oifig sa straitéis go ndéanfadh sí tuairisciú bliantúil ar a dul chun cinn maidir leis na tosaíochtaí sin a chur chun feidhme.

Gníomhaíochtaí a cuireadh chun feidhme nó a bhfuil coinne lena gcur chun feidhme mar a beartaíodh


Ardchaighdeán a sholáthar...

Seirbhísí iniúchóireachta gairmiúla ar ardchaighdeán a sholáthar ar bhonn tráthúil agus i gcomhréir leis na Caighdeáin Idirnáisiúnta Iniúchóireachta;




Difríocht a dhéanamh....

Difríocht a dhéanamh do na comhlachtaí ar a ndéanaimid iniúchóireacht, don Oireachtas agus don phobal agus;




An Oifig a Threisiú....

An Oifig a threisiú lena bheith ina heagraíocht eiseamláireach san earnáil phoiblí agus ina rogha fostóra do dhaoine ar mian leo dul i mbun gairme i réimse na hiniúchóireachta agus ar mian leo difríocht a dhéanamh ó thaobh seirbhísí poiblí a sholáthar.



An méid a chuirimid ar

97%




Cuntais deimhnithe

Deimhníodh 97% de na cuntais a bhí le hiniúchadh in 2024, nuair a tomhaiseadh iad de réir luacha, laistigh de naoi mí ó dheireadh na bliana airgeadais (sprioc 95%)

5


289



Iniúchtaí curtha i gcrích

289 iniúchadh ar ráitis airgeadais curtha i gcrích (sprioc 285)

25



Scrúduithe

Cuireadh 25 scrúdú i gcrích maidir le gnéithe de sholáthar seirbhíse poiblí agus úsáid acmhainní poiblí (sprioc 25)


100%



Iarrataí ar chreidmheas

Freagraíodh 100% de na hiarrataí ón Aire Airgeadais maidir le soláthar agus creidmheasanna ráithiúla chun cistí a eisiúint ó Lárchiste an Stáitchiste sular thosaigh an tréimhse chreidmheasa

28



Coiste na gcuntas Poiblí

D'fhreastalaíomar ar na 28 cruinniú uile de chuid Choiste na gCuntas Poiblí

6


An tionchar a bhíonn againn

95%



Tuairim iniúchóireachta
Eisíodh tuairim iniúchóireachta shoiléir in 95% de na ráitis airgeadais a deimhníodh in 2024

4




Ábhair thábhachtacha
Tarraingíodh aird ar 4 ábhar thábhachtacha maidir le cuntais comhlachtaí poiblí a thuiscint

104



Ábhair eile
Tarraingíodh aird ar 104 ábhar eile a measadh a bheith tábhachtach d'úsáideoirí na gcuntas

969




Comhfhreagras tar éis iniúchta
Cuireadh 969 ábhar nach mór aird a thabhairt orthu in iúl do lucht bainistíochta na gcomhlachtaí iniúchta i gcomhfhreagras tar éis an iniúchta

34

100%


Moltaí
Rinneadh 34 moladh a bhí dírithe ar dhea-chleachtas agus feidhmíocht fheabhsaithe a chinntiú, agus ghlac an comhlacht ar a ndearnadh iniúchadh le 100% de na moltaí sin

Uile



Cáilíocht
Rinneadh na hiniúchtaí airgeadais agus na scrúduithe uile i gcomhréir leis na caighdeáin idirnáisiúnta iniúchóireachta

Ár bhFeidhmíocht Airgeadais



Costas an chlár

Cuireadh clár iniúchóireachta agus scrúduithe ar fáil ar chostas iomlán €16.8 milliún (2023: €16.6 milliún)


Táillí iniúchóireachta

Bailíodh €8.6 milliún i dtáillí iniúchóireachta i gcomhréir le cur chuige um ghnóthú páirteach costas (2023: €7.3 milliún)

Daoine

Fostaíodh 183 ball foirne (coibhéis lánaimseartha) ar an meán lenar bhain costas tuarastail €14.1 milliún (2023: 184 coibhéis lánaimseartha, costas €13.6 milliún)

Acmhainní a Chur ar Fáil



Iniúcháirí cáilithe

Bhí 61% de na baill foirne a sannadh d'iniúcháireacht airgeadais ina gcuntasóirí cáilithe agus bhí an chuid eile cáilithe i bpáirt (tá na bainisteoirí go léir a sannadh d'iniúchtaí airgeadais ina gcuntasóirí cáilithe)


Neamhláithreacht bhreuiteachta

Ba é 3% an meánráta neamhláithreachta breuiteachta i measc na mball foirne

Cóimheas inscne

Ba é 50:50 an chothromaíocht inscne idir fostaithe baineanna agus fireanna. Ba é 59:41 an cóimheas ar leibhéal an Bhoird Bainistíochta.

Acmhainneacht a fhorbairt




Oiliúint

Sannadh breis agus 18,631 uair an chloig do chúrsaí oiliúna, staidéir ghairmiúla agus oiliúint do chéimithe, arbh ionann é agus 5% den am a bhí ar fáil

Céimithe

Caitheadh €247,030 chun tacú le staidéir iarchéime agus staidéir ghairmiúla, oiliúint forbartha leanúnach agus táillí ballraíochta gairmiúla



Forbairt ghairmiúil

Bhí 66 ball foirne i mbun cuntasáíocht ghairmiúil nó staidéir iarchéime

Scrúduithe

Rinne 8 ball foirne a scrúduithe deiridh agus cháiligh siad mar chuntasóirí gairmiúla

III. Faisnéis Bhreise & Príomhthreochtaí


Soláthraítear faisnéis sna codanna seo a leanas maidir le seachadadh, bearta tionchair agus feidhmíocht airgeadais.

Cuntais atá faoi réir iniúchta

Socraítear leis an dlí na cuntais nach mór don Ard-Reachtair Cuntas agus Ciste iniúchadh a dhéanamh orthu. I líon beag cásanna, déantar iniúchtaí le comhaontú an Aire Caiteachais Phoiblí, Sheachadadh an Phlean Forbartha Náisiúnta agus Athchóirithe. Léirítear sa léaráid líon na gcuntas a bhí faoi réir iniúchta in 2024. Tá faisnéis faoi iniúchtaí nua agus iniúchtaí ar cuireadh deireadh leo le fáil ar ár suíomh gréasáin.

An Clár a chur ar fáil


Tá iniúchadh ar ráitis airgeadais comhlachtaí poiblí agus cur i láthair na ráiteas airgeadais sin don Oireachtas ríthábhachtach chun a chinntiú go bhfuil cuntasacht éifeachtach i bhfeidhm maidir le cistí poiblí a úsáid.



* Lena n-áirítear focuhideachtaí

An líon iniúchtaí a cuireadh i gcrích

Léiríonn an léaráid an líon iniúchtaí a cuireadh i gcrích gach bliain. I gcás cuntais leithreasa ranna agus oifigí rialtais, foilsíonn an tArd-Reachtair Cuntas agus Ciste na cuntais i gcomhréir le hAcht an Ard-Reachtair Cuntas agus Ciste (Leasú), 1993. I gcás na gcomhlachtaí poiblí eile, is é an comhlacht nó roinn rialtais ábhartha a bheidh freagrach as na cuntais iniúchta a chur faoi bhráid an Oireachtais nó as na cuntais a fhoilsiú.



Tráthúlacht an deimhnithe

Cuntais dheimhnithe


Tomhaistear príomhtháscairí feidhmíochta na hOifige i ndáil le tráthúlacht na hiniúcháireachta trí thagairt a dhéanamh do luach an láimhdeachais, agus don líon cuntas atá i gceist.

Is é deireadh an naoú mí tar éis dheireadh na tréimhse airgeadais an príomhdháta tagartha don Oifig. Le blianta beaga anuas, leagadh síos sprioc 95% de réir luacha agus 70% de réir lín maidir le comhlíonadh iniúchtaí.


Chun tráthúlacht na hiniúcháireachta ina hiomláine a fheabhsú, tugadh tosaíocht do chuntais ardluacha a dheimhniú níos luaithe.

- 6 mhí
- 9 mí
- sprioc 9 mí

Iniúchtaí deimhnithe - de réir luacha




Iniúchtaí deimhnithe - de réir lín




Cuntais neamhdheimhnithe

Léirítear an líon iniúchtaí atá fós le comhlíonadh ag deireadh gach bliana (cuntais neamhdheimhnithe) sa léaráid ar dheis. Tháinig méadú beag ar líon na gcuntas neamhdheimhnithe ag deireadh 2021 mar gheall ar an bpaindéim, i gcomparáid leis na blianta roimhe. Ag deireadh 2024, tá ceithre iniúchadh le haghaidh tréimhsí airgeadais dar críoch in 2023 fós le deimhniú ag deireadh na bliana.

Cuntais neamhdheimhnithe ag deireadh na bliana



Próifíl na ndréachtchuntas a fuarthas agus a deimhníodh in 2024




Léiríonn an léaráid thuas próifíl dhréachtchuntais 2023 a cuireadh isteach lena n-íniúchadh in 2024 i gcomparáid le próifíl na gcuntas sin a deimhníodh in 2024.

Ní mór do chomhlachtaí san earnáil phoiblí dréachtchuntais a chur isteach le haghaidh iniúchta dhá mhí nó trí mhí tar éis dheireadh a dtréimhse cuntasaióchta. Faightear tromlach na ndréachtchuntas faoin 31 Márta gach bliain dá thoradh sin. Chun éifeachtúlacht a cuid acmhainní a uasmhéadú, scaipeann an Oifig na hiniúchtaí i gcaitheamh na bliana. Tugtar tosaíocht do chuntais ardluacha. Mar gheall air sin, bíonn buaicphointí ó thaobh deimhnithe de ag an bpointe sé mhí agus ag an bpointe naoi mí, tráth nach mór na vótaí uile a dheimhniú agus a chur faoi bhráid an Oireachtais. Cuirtear na hiniúchtaí atá fágtha i gcrích faoi dheireadh na bliana, ach amháin i líon beag cásanna.

Scrúduithe

Déanann an tArd-Reachtair Cuntas agus Ciste scrúduithe agus ansin tuairiscíonn sé do Dháil Éireann maidir le hábhair a bhaineann le hacmhainní poiblí a bhainistiú agus a úsáid. Bíonn tuarascálacha an Ard-Reachtair Cuntas agus Ciste ina mbonn do chuid mhór d'obair Choiste na gCuntas Poiblí.



Cáilíocht a Chinntiú

Tá cáilíocht ár gcuid oibre bunaithe ar dhá phríomhphrionsabal:

1

Cáilíocht a leabú inár gcultúr agus inár gcleachtais laethúla.

2

Monatóireacht a dhéanamh ar cháilíocht agus gníomhú de réir na gceachtanna a foghlaimíodh.

Tá beartais agus próisis i bhfeidhm againn maidir le hearcaíocht, oiliúint, oideachas agus forbairt ghairmiúil leanúnach, cóid chleachtais, agus athbhreithnithe oibríochta ar obair iniúchta airgeadais agus ar thuarascálacha sula bhfoilseofar iad.

Cuimsítear lenár gcóras rialaithe cáilíochta maidir le hiniúchtaí airgeadais bearta chun monatóireacht a dhéanamh ar cháilíocht lena n-áirítear athbhreithnithe ar an méid seo a leanas:

- » iniúchtaí roghnaithe i gcaitheamh an iniúchta ag bainisteoir sinsearach neamhspleách ar an bhfoireann
- » na hiniúchtaí uile a dhéanann gnólachtaí tráchtála ag bainisteoir sinsearach roimh dheimhniú
- » sampla d'iniúchtaí tar éis dóibh a bheith deimhnithe ag athbhreithneoir seachtrach gach bliain.

Cuimsítear lenár gcóras rialaithe cáilíochta maidir le scrúduithe bearta chun monatóireacht a dhéanamh ar cháilíocht lena n-áirítear:

- » athbhreithnithe ar scrúduithe roghnaithe i gcaitheamh an scrúdaithe ag bainisteoir sinsearach neamhspleách ar an bhfoireann roimh dheimhniú
- » athbhreithnithe tar éis tionscadail agus ceardlanna foirne bliantúla
- » athbhreithniú tréimhsiúil ar shampla de na tuarascálacha ag athbhreithneoir seachtrach.

Athbhreithniú bainistíochta agus nósanna imeachta imréitigh iniúchóireachta/tuairiscithe

Próisis cháilíochta neamhspleácha roimh an iniúchadh/tuairisciú agus ina dhiaidh, le béim ar cheachtanna a foghlaim

Próiseas iniúchóireachta agus scrúdaithe lena n-áirítear fianaise doiciméadaithe

Creat caighdeán idirnáisiúnta, cóid eiticiúla agus treoirlínte inmheánacha

Baill foirne ghairmiúla a léiríonn breithiúnas stuama agus amhras i gcónaí

Tionchar ár gcuid Oibre a Thomhas

Torthaí iniúchtaí airgeadais

Tá dhá phríomhfhócas ag iniúchadh an Ard-Reachtair Cuntas agus Ciste ar na ráitis airgeadais.

1. cruinneas agus iomláine na ráiteas airgeadais,

2. rialacht agus cuibheas na n-idirbheart arna dtaifeadadh sna ráitis airgeadais, agus leordhóthanacht rialachas na gcomhlachtaí poiblí, arna dtuairisciú ar bhonn 'eisceachtúil'.

Tuairim Iniúcháireachta Cháilithe

Fuair 15 shraith de ráitis airgeadais (5.2% de líon iomlán na gcuntas) a deimhníodh in 2024 tuairim cháilithe.*

15
Pinsin

15
Iomlán

Béim a leagan ar ábhar

Fuair 4 shraith de ráitis airgeadais a deimhníodh in 2024 tuarascáil iniúcháireachta ina raibh ailt inar cuireadh béim ar ábhar

3
Neamhchomhlíonadh beartas cuntasaióchta

1
Eile

4
Iomlán

Ábhair shuntasacha eile

Tugadh 104 ábhar suntasach eile faoi deara i dtuarascálacha iniúcháireachta

36
Soláthar neamhchomhlíonadh

18
Saincheisteanna cuntasaióchta eile

15
Tagairt Caibidle/ Tuarascála

11
Lag rialuithe

10
Luach ar airgead

8
Cuibheas/ rialachas

6
Cánachas/ fineálacha/ caillteanas


104
Iomlán

* Lena n-áirítear ráitis airgeadais a bhí cáilithe ar níos mó ná cúis amháin.

Tionchar na moltaí de bhun scrúduithe

Bíonn moltaí sonracha maidir le dea-chleachtas agus feidhmíocht níos fearr sna tuarascálacha, mar aon le freagraí ón gcomhlacht ar a ndearnadh iniúchadh.


Líon na moltaí a foilsíodh



Ábhair inní a cuireadh in iúl do lucht bainistíochta

Chomh maith le tuarascálacha foilsithe, baintear luach breise as iniúchadh le comhfhreagras tar éis iniúchta a bhíonn dírithe ar chuidiú le comhlachtaí a rialú inmheánach agus a mbainistíocht a fheabhsú trí thorthaí, moltaí, agus deiseanna feabhais a chur in iúl.

Na cineálacha saincheistanna a pléadh le comhlachtaí maidir leis na cuntais a deimhníodh in 2024



Léiríonn an chairt thuas na cineálacha saincheistanna a pléadh le comhlachtaí maidir leis na ráitis airgeadais a deimhníodh in 2024. Go ginearálta, baineann na hábhair dá dtagraítear sa chomhfhreagras le heasnamh i nósanna imeachta, agus mura dtabharfar aghaidh ar na heasnamh sin d'fhéadfadh na comhlachtaí a bheith i mbaoil caillteanais, tuairisciú airgeadais míchruinn, neamhchomhlíonadh nósanna imeachta iomchuí nó noirm rialachais don tseirbhís phoiblí.

Suirbhé Aiseolais na gComhlachtaí ar a ndearnadh Iniúchadh

Gach dara bliain, iarrtar ar chomhlachtaí ar a ndearnadh iniúchadh suirbhé aiseolais a chomhlánú.

Is iad seo torthaí an tsuirbhé is déanaí a cuireadh i gcrích i ráithe a haon de 2025.

95%

Cuireann siad luach 'ard' nó 'an-ard' ar an obair iniúchta airgeadais a rinneadh

Léirigh na comhlachtaí ar a ndearnadh iniúchadh go raibh cumarsáid shoiléir ann i rith an phróisis iniúcháireachta agus go raibh sreabhadh maith cumarsáide idir na hiniúcháirí agus an comhlacht ar a ndearnadh iniúchadh.

84%

de na freagróirí, dúirt siad go raibh siad an-sásta / sásta le soiléireacht agus cuimsitheacht thorthaí an iniúchta

Thug na comhlachtaí ar a ndearnadh iniúchadh chun suntais go raibh an fhoireann iniúcháireachta an-dearfach, rud a thugann le tuiscint go bhfuil siad freagrúil, cabhrach, agus cairdiúil maidir leis an socrú oibre comhoibríoch.

86%

de na freagróirí, mheas siad go raibh ár dteagmháil le coistí iniúcháireachta an-úsáideach / úsáideach go ginearálta

Thug freagróirí le fios go ndearnadh na hiniúchtaí ar bhealach éifeachtúil ar fud gnéithe éagsúla, lena n-áirítear rannpháirtíocht leanúnach leis an gcomhlacht ar a ndearnadh iniúchadh, agus iarratas tráthúil ar fhaisnéis.

Bhain líon beag na saincheisteanna a thug na freagróirí faoi deara le tráthúlacht iniúcháireachta, acmhainní a chur ar fáil le haghaidh iarratais agus ceisteanna maidir le faisnéis iniúcháireachta agus na hiarratais agus ceisteanna sin a bhainistiú.

93%

de na freagróirí, rinne siad cur síos ar an gcaidreamh oibre mar an-chuiditheach / cuiditheach

84%

Cuireann siad luach 'ard' nó 'an-ard' ar an obair tuairiscithe eile a rinneadh

Léargais Iniúcháireachta

Is é is cúis leis na léargais iniúcháireachta deiseanna foghlama do chomhlachtaí a aithint agus a chomhroinnt trí fhaisnéis a sholáthar maidir le saincheisteanna coiteanna athfhillteacha agus samplaí de dhea-chleachtas, arna n-aithint lenár n-iniúchadh airgeadais agus ár n-obair tuairiscithe.

Bhíomar ag Éisteacht

Mar chuid den aiseolas ó na comhlachtaí ar a ndearnadh iniúchadh, d'iarramar go molfar topaicí

Tuairisciú comhshaoil, sóisialta agus rialachais

Saincheisteanna coiteanna iniúcháireachta

Dea-chleachtas

An Intleacht Shaorga agus teicneolaíochtaí digiteacha

Aonad na Léargas Iniúcháireachta

Foilsíonn Aonad na Léargas Iniúcháireachta tuarascálacha lena gcuimsítear moltaí úsáideacha nó samplaí de dhea-chleachtas, a bhféadfaí iad a chur i bhfeidhm ar fud na seirbhíse poiblí, agus tacaíonn sé le himeachtaí dóibh siúd atá páirteach i riarachán poiblí ina gcuirtear léargais in iúl maidir le dea-chleachtas ó áiteanna ar fud na hearnála poiblí. Cumhdaítear topaicí sna himeachtaí ábhair amhail dea-chleachtais bainistíochta airgeadais agus rialachas.

Foilsíodh nóta treorach maidir le Tuairisciú Inbhuanaitheachta Corparáideach i mí na Samhna 2024.

Rinneadh cur i láthair ag roinnt ócáidí, lena n-áirítear ócáid na gcuinnithe comhchéime do Choistí Iniúcháireachta a d'óstáil an Foras Riaracháin (IPA), an Chomhdháil Náisiúnta um an Líonra le haghaidh Seirbhísí Corparáideacha i nGníomhaireachtaí Stáit, ócáid dearbhaithe bhliantúil a reáchtálann an Oifig Náisiúnta um Sheirbhísí Comhroinnte, agus ag ócáid IPA i leith dea-chleachtais maidir leis an Ráiteas faoi Rialú Inmheánach.

Feidhmíocht Feidhmíochta

Ag deireadh gach bliana airgeadais, éilítear ar gach roinn agus oifig cuntas a réiteach, ar a dtugtar an cuntas leithreasa, lena dtuairiscítear an toradh don bhliain i gcomparáid leis an méid a sholáthraíonn Dáil Éireann. Déanann gnólacht neamhspleách cuntasóirí arna cheapadh ag an Ard-Reachtair Cuntas agus Ciste iniúchadh ar chuntas leithreasa na hOifige.

Costais Airgeadais		2020 (€'000)	2021 (€'000)	2022 (€'000)	2023 (€'000)	2024 (€'000)	
Costais oibríochtúla iomlána	→	14,301	14,548	15,874	16,640	16,842	
Costais foirne	→	11,759	12,105	13,077	13,629	14,144	Is ionann costais phárolla agus 84% de chostas bliantúil na hOifige. Cinneann an tAire Caiteachais Phoiblí, Sheachadadh an Phlean Forbartha Náisiúnta agus Athchóirithe na rátaí pá.
Speansais taistil	→	156	7	116	193	248	
Iniúchtaí ar conradh	→	824	1,067	1,069*	1,040	1,040	Déantar iniúchtaí airgeadais áirithe a sheachfhoinsiú
Costais eile	→	1,562	1,369	1,612*	1,778	1,410	
Ioncam: Táillí iniúchta a bailíodh	→	6,277	7,983	7,285	7,267	8,551	Gearrtar táillí iniúcháireachta i ndáil le hiniúchtaí airgeadais áirithe tar éis an cuntas a dheimhniú.
ASC (PRD)	→	339	339	380	467	477	
Glanchoistas don Státchiste	→	7,685	6,226	8,209	8,906	7,814	

* Rinneadh costais áirithe le haghaidh 2022 a athchatagóiriú i dTuarascáil Feidhmíochta 2023.

Ár bhFoireann

Struchtúr Rialachais

Tá sé de chumhacht ag an Ard-Reachtaire Cuntas agus Ciste gnó na hOifige a rialú. Cuidíonn Bord Iniúcháireachta agus Bord Bainistíochta leis an fhreagracht sin a chomhlíonadh. Is é an Rúnaí agus Stiúrthóir Iniúcháireachta an tOifigeach Cuntasaíochta don Oifig.

Tá an Oifig eagraithe ina stiúrthóireachtaí a bhfuil an triúr Stiúrthóirí Iniúcháireachta i gceannas orthu bunaithe ar chlár oibre iniúcháireachta agus tuairiscithe. Laistigh de gach stiúrthóireacht, sanntar punanna oibre do roinnt rannán bunaithe ar earnálacha a oibríonn laistigh den tseirbhís phoiblí.

Is croíghnéithe de shocruithe rialachais chorparáidigh iad an Bord Iniúcháireachta agus an Bord Bainistíochta, a chomhaontaíonn an raon gnéithe eile agus, trína róil scrúdain, a dhéanann maoirseacht ar bheartais, plananna agus éifeachtúlacht na ngnéithe eile sin.

Tugann Coiste Iniúcháireachta comhairle don Oifigeach Cuntasaíochta maidir le hábhair a bhaineann le bainistíocht riosca, rialú inmheánach, rialachas agus tuairisciú seachtrach agus féachann an Coiste le forbairt dea-chleachtais a chothú go ginearálta maidir le hiniúcháireacht inmheánach, bainistíocht riosca agus tuairisciú seachtrach a dhéanamh san Oifig freisin. Tháinig an Coiste Iniúcháireachta le chéile ceithre huair le linn 2024.

Tá tuilleadh faisnéise maidir le creat rialachais an Ard-Reachtaire Cuntas agus Ciste le fáil anseo <https://www.audit.gov.ie/ga/fúinn/>



Ár Rannchuidiú Idirnáisiúnta



Rannpháirtíocht i bhfóram idirnáisiúnta roghnaithe, maidir le hiniúcháireacht phoiblí, san Eoraip agus ar fud an domhain, lena n-áirítear cathaoirleacht Fhochoiste um Iniúchadh Feidhmíochta INTOSAI agus comhaltas i bhFochoiste um Iniúcháireacht Airgeadais agus Cuntasaíochta INTOSAI.

Fochoiste um Iniúchadh Feidhmíochta (PAS) de chuid INTOSAI

Is é an Fochoiste um Iniúchadh Feidhmíochta pobal saineolaithe INTOSAI ar iniúcháireacht feidhmíochta na hearnála poiblí agus tá údarás aige lena n-áirítear caighdeán agus treoirlínte maidir le hiniúcháireacht feidhmíochta a fhorbairt. I mí an Mhárta 2024, d'óstáil Oifig Iniúcháireachta Stáit na Seoirsia an cúigiú comhdháil bhliantúil déag d'Fhochoiste um Iniúchadh Feidhmíochta INTOSAI in Tbilisi, an tSeoirsia. Bhí an cruinniú ar siúl thar thréimhse dhá lá agus rinne an Oifig cathaoirleacht air. Pléadh roinnt topaici tábhachtacha le linn an chruinnithe, lena n-áirítear cothabháil sceidealaithe na ráiteas iniúcháireachta feidhmíochta. Tacaithear le téama na comhroinnte eolais trí chuir i láthair agus plé a dhéanamh ar iniúchadh comhsaoil, intleacht shaorga, forbairt acmhainneachta iniúcháirí feidhmíochta, agus rannpháirtíocht na sochaí sibhialta in iniúchadh feidhmíochta.




Comhaltas den Choiste Teagmhála. Tá an Coiste Teagmhála comhdhéanta de Chinn Uasfhorais Iniúcháireachta AE an Aontais Eorpaigh agus Chóir Iniúcháirí na hEorpa.



Breathnóir ar an bhFóram Iniúcháireachta Poiblí. Cruinnítear le chéile leis an bhFóram Iniúcháireachta Poiblí eagraíochtaí iniúcháireachta poiblí uile na Ríochta Aontaithe agus na hÉireann chun díriú ar smaointeoireacht forbartha i ndáil le hiniúcháireacht phoiblí.



Le linn 2024 ghlac an Oifig páirt in iniúchadh domhanda ar ghníomhaíocht oiriúnúcháin maidir le hathrú aeráide. Cuireadh caibidil sa tuarascáil bhliantúil dá thoradh sin – [Bainistíocht riosca i gcás tuille a chur in oiriúint do thionchar an athraithe aeráide](#). Ghlac beagnach 40 Uasfhoras Iniúcháireachta páirt sa tionscnamh trí iniúchtaí feidhmíochtaí a dhéanamh ar ghníomhaíochtaí oiriúnúcháin. Tá sé beartaithe go mbeidh foilseachán domhanda in 2025 ina mbeidh na ceachtanna a foghlaimíodh, léargais agus tionchar na n-iniúchtaí. I mí na Samhna 2024, ghlac an Oifig páirt i bplé painéil ag an gCruinniú Mullaigh Domhanda um Thionscnamh Forbartha INTOSAI in Tbilisi, an tSeoirsia agus rinne sí cur i láthair faoina tuarascáil fhoilsithe.



Leanamar de bheith ar an gCoiste Comhairleach um Meastóireacht agus Iniúcháireacht den Eagraíocht Eitlíochta Sibhialta Idirnáisiúnta (EESI). Sainghníomhaireacht de chuid na Náisiún Aontaithe í an Eagraíocht Eitlíochta Sibhialta Idirnáisiúnta atá ann chun tacú le taidhleoireacht agus comhar in earnáil an aeríompair.



Glacadh rannpháirtíocht i roinnt meitheal agus tionscnamh de chuid EUROSAI, amhail an Mheitheal um Iniúcháireacht Comhsaoil agus an Clár Malartaithe um Fhaisnéis Tagarmharcála. Tá EUROSAI ar cheann de na seacht comhlacht réigiúnacha de chuid INTOSAI.

Leibhéil foirne

Taispeántar sa tábla an meánlíon ball foirne a bhí fostaithe gach bliain bunaithe ar choibhéis lánaimseartha (CL).


An líon ball foirne	2020	2021	2022	2023	2024
An meánlíon a bhí fostaithe	181	174	182	184	183
An líon uasta údaraithe ball foirne	187	192	197	197	201
Mar % den líon ball foirne	97%	91%	92%	93%	91%
Ráta athraithe foirne i rith na bliana	11%	9%	5%	15%	8%
An líon coibhéiseach ball foirne d’acmhainní eile a fostaíodh					
Baill foirne a fuarthas ar conradh	1	7	3	1	3
Iniúchtaí ar conradh	6	10	8	8	8

Baineann an difríocht idir an líon údaraithe agus an meánlíon a bhí fostaithe i ndáiríre gach bliain leis an aga moille idir dáta imeachta ball foirne agus críochnú na bpróiseas earcaíochta de ghnáth. Léirítear leis an ráta athraithe foirne gach imeacht ball foirne sa bhliain mar chion den mheánlíon a bhí fostaithe.

Seirbhísí ar conradh

Seachfhoinsíonn an Oifig iniúchtaí airgeadais roghnaithe freisin chun cuid den bhuaic i ndáil leis an éileamh ar iniúchadh a chomhlíonadh agus deimhniú tráthúil ráiteas airgeadais a éascú. Tá comhaontú ann le ceardchumainn na mball foirne chun obair iniúcháireachta a sheachfhoinsiú i gcás ocht gcoibhéis fostaí lánaimseartha in aghaidh na bliana le linn na tréimhse 2021 go dtí 2024. Faightear gnólachtaí go hiomaíoch chun an obair sin a dhéanamh.

Faightear cuntasóirí cáilithe ar conradh ar bhonn gníomhaireachta ar feadh tréimhsí gairide chun bearnaí sealadacha, a thagann chun cinn nuair a imíonn baill foirne bhuana, a líonadh.



Áit Oibre Iontach



In 2024, bhaineamar amach an deimhniú Great Place to Work® don cheathrú bliain as a chéile agus aithníodh muid ar an liosta Ireland's Best Workplaces™ don bhliain 2025. Bronnadh gradam speisialta orainn freisin as feabhas ar chultúr ag searmanas bronnta Great Place to Work i mí Feabhra 2025.




Áit Oibre Iontach

Le torthaí shuirbhé Great Place to Work® faighimid aiseolas luachmhar maidir leis an gcaoi a mothaíonn daoine faoi bheith ag obair in Oifig an Ard-Reachtair Cuntas agus Ciste. Cinntítear leis an aiseolas a fhaightear go leanaimid orainn ag díriú ar ár gcultúr a neartú i gcónaí.

Torthaí Great Place to Work®

Feabhsuithe suntasacha	2024	2023	2022
Tugtar aitheantas do shárfheidhmíocht san eagraíocht seo.	70%	71%	44%
Déanaimid ceiliúradh ar dhaoine a bhaineann triail as bealaí nua níos fearr chun rudaí a dhéanamh, gan beann ar an toradh.	59%	58%	39%
Bíonn an deis ag cách aitheantas speisialta a fháil.	75%	65%	34%
Timpeallacht oibre	2024	2023	2022
Cuireann ár gcuid saoráidí le dea-thimpeallacht oibre.	80%	81%	81%
Tugtar na hacmhainní agus an trealamh dom chun mo phost a dhéanamh.	84%	83%	83%
Tá an t-ionad oibre seo ag obair chun a thionchar ar an gcomhshaol a laghdú.	84%	88%	83%

Rannpháirteachas agus Cultúr



Éagsúlacht agus lonchuimsiú

Caitear go cóir le daoine anseo beag beann ar an méid seo a leanas:


	2024	2023
cine	95%	97%
gnéaschlaonadh	97%	97%
inscne	95%	97%
aois	94%	94%

Suirbhé Rannpháirtíochta Fostaithe na Státseirbhíse

Is í an Roinn Caiteachais Phoiblí, Sheachadadh PFN agus Athchóirithe a choimisiúnaigh Suirbhéanna Rannpháirtíochta Fostaithe na Státseirbhíse (CSEES) thar ceann Bhord Bainistíochta na Státseirbhíse agus forbraíonn agus reáchtálann an Phríomh-Oifig Staidrimh iad. Cuireann siad ceisteanna ar státseirbhísigh faoina gcuid tuairimí maidir le bheith ag obair sa Státseirbhís, agus díríonn siad ar réimsí amhail rannpháirtíocht fostaithe, folláine, déileáil le hathrú agus tiomantas don eagraíocht.

Déantar na suirbhéanna thart ar gach trí bliana agus leis na suirbhéanna sin, tugtar sonraí agus fianaise do Bhord Bainistíochta na Státseirbhíse agus d’eagraíochtaí aonair na Státseirbhíse chun eolas a chur le beartais agus cleachtais amach anseo ar bhealach níos fearr chun aghaidh a thabhairt ar dhúshlán agus cur leis an rath a baineadh amach cheana féin maidir le leasú na státseirbhíse.

Rinneadh an suirbhé is déanaí in 2023 agus cuireadh na torthaí ar fáil in 2024.



Scóir théama ó Shuirbhé Rannpháirtíochta Fostaithe na Státseirbhíse - na scóir is airde			
	scór le haghaidh 2023	scór le haghaidh 2020	Athrú 2020 go 2023
Rannpháirtíocht fostaithe	78	77	+ 1
Folláine	78	75	+ 3
Tionchar saoránach	76	71	+ 5

Scóir théama ó Shuirbhé Rannpháirtíochta Fostaithe na Státseirbhíse - an t-athrú is mó			
	scór le haghaidh 2023	scór le haghaidh 2020	Athrú 2020 go 2023
Foghlaim agus forbairt	74	66	+ 8
Neamhspleáchas	67	59	+ 8
Timpeallacht rannpháirtíochta	54	46	+ 8

Cothromaíocht Inscne

Léiríonn an graf an miondealú de réir inscne ar gach príomhghrád san Oifig amhail an 6 Meitheamh 2025*. Tugtar gach ardú céime tar éis próiseas

* Úsáideadh an dáta léargais an 6 Meitheamh 2025 chun ceanglais maidir le tuairisciú faoin Acht um Chomhionannas Fostaíochta, 1998 (Alt 20A) (Faisnéis faoin mBearna Phá idir na hInscní) (Leasú), Rialacháin 2024, a chomhlíonadh.

Ar an iomlán tá cóimheas 50:50 fostaithe baineanna is fostaithe fireanna ann. Is é 59:41 an cóimheas fostaithe baineanna is fostaithe fireanna ar leibhéal an Bhoird Bainistíochta.


Amhail an 6 Meitheamh 2025, bhí 6% de na fostaithe baineanna ag obair faoi chonarthaí uaireanta laghdaithe (postroinnt, saoire thuismitheoireachta, bliain oibre níos giorra, etc.). Bhí 2% de na fostaithe fireanna ag obair faoi chonarthaí uaireanta laghdaithe.

Íoctar gach ball foirne, beag beann ar inscne, de réir scálaí tuarastail incriminteacha le haghaidh gach gráid. Ní thugtar aon íocaíocht bhónais. Má tá aon bhearna phá ann idir na hinscní, baineann sí leis na difríochtaí idir gráid agus fad seirbhíse gach fostaí.

Ar an meán, ar fud na ngrád uile i dtréimhse dhá mhí dhéag go dtí an 6 Meitheamh 2025, íacadh 2% níos mó in aghaidh na huaire conraithe le fostaithe baineanna le hais fostaithe fireanna. Tá an cás sin sách dearfach i gcomparáid leis na figiúirí is déanaí ó Eurostat maidir leis an mbearna phá idir na hinscní, a thuairiscigh go bhfuair mná íocaíocht a bhí 12% níos lú ná an íocaíocht a fuair fir.

Miondealú de réir Inscne

■ Baineann ■ Fireann




50%

“Ar an iomlán tá cóimheas 50:50 fostaithe *baineanna* is fostaithe *fireanna* ann amhail an 6 Meitheamh 2025. Is é 59:41 an cóimheas fostaithe baineanna is fostaithe fireanna ar leibhéal an Bhoird Bainistíochta.”

Baineann

Fireann



12 mhí go dtí an 6 Meitheamh 2025

	Fireann	Baineann	Iomlán
Uaireanta an chloig	160,491	168,024	328,515
Líon daoine	105	106	211
Tuarastal	€6,211,712	€6,331,679	€12,543,391
Meántuarastal	€59,159	€59,733	€59,447
Meanlíon Uaireanta bliantúla	1,528	1,585	1,557
Meánráta/Uair an Chloig	€35.83	€36.53	€36.18

Tá an meánráta in aghaidh na huaire le haghaidh ban 2% níos mó ná an meánráta in aghaidh na huaire le haghaidh fear.

Bearna sa Phá Airmheánach san Uair




Maidir le fostaithe sealadacha, tá an pá airmheánach san uair 5% níos mó do mhná agus tá an meánphá san uair 3% níos mó do mhná

Tá an t-airmheán i gcás na mban 2% níos lú ná cás na bhfear

Ceathairleanna

Uachtarach	52%
Lár uachtarach	51%
Lár íochtarach	45%
Íochtarach	51%



52

Acmhainneacht a Fhorbairt

Is cuntasóirí cáilithe iad na bainisteoirí uile ar iniúchtaí airgeadais – tá foirne iniúchóireachta comhdhéanta de chuntasóirí cáilithe agus cuntasóirí faoi oiliúint.

Ceapadh ár mbeartais agus nósanna imeachta pearsanra chun a áirithiú go mbíonn foireann leordhóthanach againn, daoine ag a bhfuil an cumas, an inniúlacht agus an tiomantas i dtaca le prionsabail eitice, atá riachtanach chun scrúduithe a dhéanamh agus iniúchtaí a dhéanamh i gcomhréir leis na caighdeáin ghairmiúla. Tugtar tacaíocht airgeadais le haghaidh cúrsaí agus scrúduithe do bhaill foirne atá ag tabhairt faoi cháilíochtaí iarchéime agus do bhaill foirne atá ag tabhairt faoi cháilíochtaí sa chuntasaíocht ghairmiúil. Anuas air sin, glacann ár bhfoireann páirt i ngníomhaíochtaí éagsúla oideachais, oiliúna agus forbartha. Tá sonraí na ngníomhaíochtaí sin leagtha amach sa ghraf ar thaobh na láimhe deise.



Joseph Devaney

Thosaigh mé ag obair leis an Oifig i mí Iúil 2022, agus bhí 5 scrúdú ACCA le déanamh agam fós. Le cabhair, spreagadh agus treoir ó bhaill foirne na hOifige, mar aon le saoire staidéir, tacaíochtaí oideachais agus oiliúint ag an obair, bhí mé in ann mo bhallraíocht ACCA a fháil i mí Iúil 2024. Tá gá le hiarracht mhór, foighne agus tiomantas chun na scrúduithe gairmiúla cuntasaíochta a ghnóthú agus tá na tacaíochtaí a thugann an Oifig den chéad scoth.

Mar gheall ar stádas na hOifige mar Fhostóir Faofa ACCA, bhí mo bhainisteoir in ann siníú a chur le mo Cheanglas maidir le Taithí Phraiticiúil. I ndiaidh ballraíocht ACCA a bhaint amach, tugadh ardú céime chuig Iniúchóir dom i mí Mheán Fómhair 2024.



Aisling McKeever

Tháinig mé chuig an oifig in 2022 agus bhí an chéad dá bhliain de na scrúduithe curtha i gcrích agam le Cuntasóirí Cairte Éireann. Chuir mé mo scrúduithe i gcrích i mí Mheán Fómhair 2024. Bhain mé tairbhe as an tsaoire fhada staidéir a thug an Oifig dom agus d'éirigh liom i mo scrúduithe ar an gcéad iarracht dá barr. Ina theannta sin, bhí mé in ann freastal ar léachtaí sa tráthnóna mar gheall ar na huaireanta solúbtha oibre.

Toisc go bhfuil an Oifig ina fostóir faofa le ACA, bhí mé in ann an taithí ábhartha a fháil chun an cháilíocht gairmiúil a bhaint amach. Chomh maith leis sin, d'eagraigh an Oifig ceardlann do bhaill foirne chun a ndialann taithí oibre a chur i gcrích.




Carla Roche

Tháinig mé chuig an Oifig in 2018, agus chuir mé tús le mo thuras le ACCA. Tá disléicse orm agus cheap mé mar sin gur cuireadh na ceisteanna ar bhealach an-deacair agus bhí an-díomá orm faoi mo thorthaí scrúdaithe. Shocraigh mé athrú go CPA agus laistigh de bhliain, d'éirigh liom sna seacht scrúdú deiridh. Thacaigh an Oifig leis an athrú a rinne mé ar chomhlachtaí cuntasaíochta agus thug sí saoire fhada staidéir dom ionas go mbeinn in ann díriú go hiomlán ar mo scrúduithe.

Gan an tacaíocht sin, ní dóigh liom go n-éireodh liom i mo scrúduithe. Ba mhór an tacaíocht a thug gach duine san Oifig dom i leith mo scrúduithe agus ardú céime chuig iniúchóir a bhaint amach agus mholfainn d'aon duine atá ag streachailt cabhair a iarraidh. Uaireanta, bíonn conair dhifriúil ag teastáil uait chun do spriocanna a bhaint amach agus tá an Oifig ann i gcónaí chun tacú leat.

Am a thugtar don fhoghlaím agus don fhorbairt

4,715
uair an chloig




Cúrsaí oiliúna

2,510
uair an chloig




Scrúduithe gairmiúla

11,407
uair an chloig



Oiliúint ag an obair

Baill Foirne Nua

2020	2021	2022	2023	2024
13	11	30	6	22
				

“Cuirtear Tacaíocht airgeadais le haghaidh cúrsaí agus scrúduithe ar fáil do bhaill foirne a thugann faoi cháilíochtaí iarchéime agus do bhaill foirne a thugann faoi cháilíochtaí cuntasaióchta.”

Mic léinn ó Ollscoil Luimnigh agus Coláiste Náisiúnta na hÉireann

Is tionscnaimh iad Clár Oideachais Chomhoibríoch Ollscoil Luimnigh agus Clár Socrúcháin Oibre Choláiste Náisiúnta na hÉireann a dtugaimid tacaíocht dóibh agus a mbainimid tairbhe astu. Tagann roinnt mac léinn chuig an Oifig go ceann tréimhse 8-12 mhí. Tugann sé sin an deis do na mic léinn taithí luachmhar a fháil ag an obair in ionad oibre éagsúil dinimiciúil, fad a chuirtear lena gcuid iarrachtaí acadúla. Leis an léargas a fhaightear ar an obair san ionad oibre, cabhraítear leo an t-eolas agus na hinniúlachtaí atá mar chuid dá gcuid staidéir céime a fhorbairt agus a chur i bhfeidhm.

In 2024, ghlacamar le 10 mac léinn a d'oibrigh inár rannóg iniúchóireachta airgeadais, inár n-aonad cumarsáide, inár rannóg tuairiscithe, agus ár n-aonad anailísíochta sonraí.



Teicneoirí Cuntasaíochta Éireann

In 2024, lean an Oifig ar aghaidh lena cuid comhair le Teicneoirí Cuntasaíochta Éireann. Chuireamar fáilte roimh bheirt teicneoirí cuntasaíochta ar chlár printíseachta dhá bhliain lena dtugtar an obair agus an staidéar le chéile.



Aonad anailísíochta sonraí

Tá anailísíocht sonraí ina príomhchuid dár gclár claochlaithe dhigitigh leathan. Bainimid úsáid as anailísíocht sonraí agus teicneolaíochtaí nua eile chun ár n-éifeachtacht fhoriomlán a fheabhsú.

In 2024, chuidigh anailísíocht sonraí le hOifig an Ard-Reachtair Cuntas agus Ciste ar na bealaí seo a leanas



Bhí an méid seo a leanas i measc na bpríomh-bhuaicphointí le haghaidh 2024

Anailís mórshonraí – ceistíodh sonraí airgeadais ar luach €40 billiún
Rinneadh uasdátú ar dheiseanna chun go mbeadh foirne iniúchóireachta agus bainistíocht shinsearach in ann léargais níos fearr a fháil
Soláthar oiliúna in anailísíocht sonraí d'fhoireann na hoifige
Comhar idirnáisiúnta le hUasfhorais Iniúchóireachta maidir le teicnící anailíse sonraí
Grafaicí feabhsaithe le haghaidh tuarascálacha iniúchóireachta

9ú Babhta de Ghradaim Feabhais agus Nuálaíochta na Státseirbhíse

Cuireadh tionscadal Anailísíochta Sonraí ar ghearrliosta don 9ú babhta de Ghradaim Feabhais agus Nuálaíochta na Státseirbhíse, faoin gcatagóir 'Nuálaíocht a Neadú'. Bhí béim sa tionscadal a ainmníodh ar fhorbairt agus ar chur i bhfeidhm réitigh anailísíochta sonraí a rinne uathobriú ar chur síos, cóid agus figiúirí pá riachtanacha a asbhaint ó 121 doiciméad PDF. Leis an bpróiseas uathobrithe sin, ní hamháin gur laghdaíodh go suntasach an t-am a bhí de dhíth (ó 10 lá in aghaidh na bliana go 10 soicind!) don tasc atriallacha sin ach íoslaghdaíodh freisin féidearthacht na n-earráidí a bhaineann le hasbhaint láimhe sonraí.



Comhionannas, Éagsúlacht agus Ionchuimsiú

Tá scileanna, buanna, smaointeoireacht éagsúil agus taithí dhearfach ag ár bhfoireann san Oifig. Inár ráiteas maidir le héagsúlacht, tugaimid gealltanais go gcothóimid timpeallacht oibre dhearfach, áit a dtuigfidh gach ball foirne go bhfuil meas orthu agus go bhfuil siad páirteach. Tá ár Ráiteas maidir le hÉagsúlacht, Comhionannas agus Ionchuimsiú le fáil ag www.audit.gov.ie/ga.

Aithnítear inár Ráiteas Straitéise reatha ár gcuispóir leanúnach, is é sin ionad oibre ionchuimsitheach agus éagsúil a bheith againn, áit a léireofar meas ar chearta an duine agus comhionannas daoine.

Feidhmímid faoi bheartais agus nósanna imeachta, lena gcuimsítear na ceanglais reachtacha uile a bhaineann le reachtaíocht maidir le comhionannas, míchumas agus cearta an duine, lena n-áirítear earcaíocht agus cur chun cinn.

Aithnímid freisin tábhacht na hinrochtaineachta dóibh siúd ar mian leo rochtain a fháil ar ár suíomh gréasáin agus tá bogearraí inrochtaineachta againn a ligean do réimse níos leithne daoine ár gcuid ábhair a rochtain ar bhealach lena gcuirtear san áireamh a gcuid riachtanas aonair.

Bród

Bhunaigh ár bhfoireann grúpa Oifige d'fhostaithe LADTA+ agus cairde, darb ainm Bród.

Bunaíodh Bród chun tacaíocht a thabhairt dár gcomhghleacaithe LADTA+ agus cairde, agus chun cultúr méadaithe éagsúil na hOifige a chothú. Is é is aidhm dó cur le cultúr agus timpeallacht na hOifige ach cur le cláir folláine agus cuidithe fostaithe atá ann cheana agus a bheith páirteach le líonraí idirnáisiúnta agus náisiúnta, sibhialta agus poiblí, eile d'fhostaithe LADTA+.

Tá caidreamh oibre comhoibríoch ag Bród le Spectrum (Líonra LADTA+ de chuid Audit Wales). Leanann Bród d'imeachtaí a eagrú chun Bród agus an pobal LADTI+ a cheiliúradh.

Cearta an Duine agus Comhionannas

De réir ráiteas na hOifige maidir le héagsúlacht agus ionchuimsiú, tá gealltanais ann go gcothófar timpeallacht oibre dhearfach, áit a dtuigfidh gach ball foirne go bhfuil meas orthu agus go bhfuil siad páirteach. Tá sé d'aidhm ag an Oifig atmaisféar comhionannais, dínite agus measa a chruthú don fhoireann ar fad agus timpeallacht gan aon leithcheal ar aon fhoras a chur chun cinn, lena n-áirítear cine, inscne, stádas pósta, stádas teaghlaigh, gnéaschlaonadh, reiligiún, aois, míchumas agus a bheith mar chuid den Lucht Siúil.

Díríonn ár gcuid iarrachtaí maidir le héagsúlacht, comhionannas agus ionchuimsiú ar forbairt bhreise a dhéanamh i ndáil le cultúr a spreagtar na fostaithe uile chun a gcuid smaointe, buanna agus paisean a chomhroinnt. Bunaíodh roinnt beartas, nósanna imeachta, tionscnamh agus meithleacha agus fóram, tugadh isteach iad agus cuireadh chun feidhme iad i roinnt mhaith réimsí ar fud na hoifige chun cabhrú linn an gealltanais sin a chomhlíonadh.

Inár Ráiteas Straitéis 2021–2025, thugamar gealltanais foirmiúil measúnú a dhéanamh ar chomhlíonadh, mar fhostóir, na reachtaíochta maidir le cearta an duine. Mar chuid den ghealltanais sin, cuireadh meitheal um Chearta an Duine agus Comhionannas ar bun. Rinne an mheitheal measúnú ar shaincheisteanna maidir le cearta an duine agus comhionannas a bhaineann le feidhmeanna agus cuspoir na hOifige. Mar chuid den mheasúnú sin, lorgaíodh ionchur ón bhfoireann ar fad san Oifig.

Chabhraigh an measúnú linn réimsí le haghaidh tuilleadh gníomhaíochta a chur in ord tosaíochta, saincheisteanna féideartha maidir le cearta an duine agus comhionannas a d'fhéadfadh a bheith ag an Oifig i gcaitheamh ár gcuid oibre a shainaithint agus beartais agus tionscnaimh atá i bhfeidhm cheana san Oifig a ailíniú le Dualgas na hEarnála Poiblí.

Ullmhaíodh plean gníomhaíochta i ndiaidh an mheasúnaithe. Ba é an phríomhsprioc a bhí leis an bplean gníomhaíochta dul i ngleic le saincheisteanna féideartha i ndáil le cearta an duine agus comhionannas ach feasacht a mhéadú agus a chinntiú go raibh na struchtúir ábhartha i bhfeidhm chun tacú leis an bhfoireann dá mbeadh gá leis sin. Mar chuid den phlean gníomhaíochta, d'eagraigh an mheitheal an méid seo a leanas le linn 2024:

- » Seimineár gréasáin don fhoireann ar fad chun feasacht a mhéadú i ndáil le cearta an duine agus comhionannas, chomh maith leis na tacaíochtaí agus foireann uirlisí atá ar fáil.
- » Cuireadh cúrsaí ríomhfhoghlama ar líne, maidir le cearta an duine agus comhionannas agus dualgas na hearnála poiblí, chun cinn go gníomhach.
- » I gcomhpháirt le Bród (ár ngrúpa d'fhostaithe LADTA+ agus cairde), óstáladh lón bróid agus ceardlann fhíorúil i dtaobh feasacht faoi LADTA+.
- » Seoladh míreanna ar inlíon na hOifige ó bhaill foirne ag a bhfuil cúlraí agus cultúir éagsúla, a phléann a gcuid taithí ar bheith ag obair san Oifig.
- » Cuireadh san áireamh píosaí faisnéise le haghaidh na foirne maidir le beartais, nósanna imeachta, tionscnaimh, meithleacha agus fóraim a bunaíodh, a chabhróidh leo i dtaobh saincheisteanna, maidir le cearta an duine agus comhionannas, a d'fhéadfadh teacht chun cinn le linn a gcuid oibre.

Tá measúnú agus plean gníomhaíochta na hOifige ar Dhualgas na hEarnála Poiblí ar fáil ag www.audit.gov.ie.

Gradaim Aitheantais d'Fhostaithe

Tá beartas ag an Oifig maidir le haitheantas d'fhostaithe chun timpeallacht a chothú ina mothódh an fhoireann ar fad go bhfuil meas orthu as a gcuid rannchuidithe; ina spreagfaí agus ina gcuirfí chun cinn iompar lena léireofaí ár gcroiluachanna agus ina dtabharfaí cuidiú chun ár dtosaíochtaí straitéiseacha a bhaint amach; ina spreagfaí, ina n-aithneofaí agus ina gcúiteofaí iompar den scoth agus ina ndéanfaí ceiliúradh ar ár gcuid ratha; agus ina gcuirfí le timpeallacht oibre thairbheach fhiúntach.

Áirítear sa bheartas dhá bhealach ar féidir leis an bhfoireann aitheantas foirmiúil a fháil as a gcuid gnóthachtálacha, an Rolla Onóra agus gradaim RÉALT.

Gradaim RÉALT

Díríonn clár na ngradam RÉALT ar aitheantas tráthúil ábhartha follasach a thabhairt as iompar agus feidhmíocht shuntasach lena léirítear go comhsheasmhach ár gcroiluachanna. Is gnách go mbaineann duais neamhairgeadaíochta leis na gradaim sin, chomh maith le mír chomhghairdis ar Inlíon na hOifige lena dtugtar eolas maidir leis an dóigh ar tuilleadh an gradam. In 2024, bronnadh gradaim RÉALT ar 17 nduine agus 9 bhfoireann.



Rolla onóra

Is éard atá sa Rolla Onóra spás ar inlíon na hOifige atá tiomnaithe d'aitheantas a thabhairt dár bhfoireann as a gcuid éachtaí acadúla. In 2024, thugamar aitheantas do bhaill foirne a rinne scrúduithe cuntasaíochta gairmiúla, Máistreacht le hEolaíocht Eacnamaíochta in Anailís Beartais agus modúil i gcúrsa ar an nGaeilge ghairmiúil de Theastas Eorpach na Gaeilge.

Freagrachtaí Corparáideacha agus Rannpháirtíocht

Gníomhú ar son na hAeráide



Tá treochlár forbartha ag an Oifig lena dtugtar breac-chuntas ar a straitéisí chun a cuid spriocanna riachtanacha, i ndáil le héifeachtúlacht fuinnimh agus laghdú ar astaíochtaí gás ceaptha teasa a bhaineann le fuinneamh, a bhaint amach agus chun gníomhaíochtaí, a cheanglaítear faoin Sainordú don Earnáil Phoiblí maidir le Gníomhú ar son na hAeráide, a chur chun feidhme. Tugtar breac-chuntas leis an treochlár ar na gníomhaíochtaí ábhartha arna ndéanamh ag an Oifig go dtí seo agus leagtar amach an bealach a bhfuilimid ag iarraidh ár gcuid oibleagáidí a chomhlíonadh. Tá cóip den treochlár le fáil [anseo](#).

Laghdú ar Astaíochtaí

Ceanglaítear ar gach eagraíocht san earnáil phoiblí feabhas 50% a bhaint amach i dtaobh éifeachtúlacht fuinnimh, laghdú 51% ar astaíochtaí díreacha a bhaineann le fuinneamh (neamh-leictreachas) agus laghdú 51% ar iomlán foriomlán na n-astaíochtaí faoi 2030.

Faoi dheireadh 2024, bhí dul chun cinn suntasach déanta ag an Oifig i ndáil le comhlíonadh na spriocanna sin.

	Sprioclaghdú	Laghdú iarbhír
Éifeachtúlacht fuinnimh	50%	68%
Astaíochtaí díreacha a bhaineann le fuinneamh (neamh-leictreachas)	51%	28%
Iomlán foriomlán na n-astaíochtaí	51%	56%



Rannpháirtíocht na foirne

Bhunaigh an Oifig Foireann Ghlas mar a cheanglaítear faoin Sainordú don Earnáil Phoiblí maidir le Gníomhú ar son na hAeráide chun inbhuanaitheacht san Oifig a spreagadh. Chruthaigh an Oifig meitheal foirne maidir le gníomhú ar son na haeráide freisin, arb é an ról atá aici feachtas maidir leis an gcomhshaol a mhéadú agus tionscnaimh coigilteach ar fhuinneamh a chur chun cinn.

Faigheann an fhoireann míreanna rialta ón inlíon agus ríomhphoist lena gcuirtear béim ar shaincheisteanna inbhuanaitheachta agus leideanna maidir le héifeachtúlacht fuinnimh.

Taisteal Gnó

Tugann an Oifig tuairisc d'Údarás Fuinnimh Inmharthana na hÉireann gach bliain, ina mbíonn miondealú ar an taisteal gnó arna thabhtú sa bhliain féilire de réir cineál iompair. Tabhaíonn an fhoireann taisteal gnó intíre go rialta agus iad ag freastal ar oifigí comhlachtaí poiblí le haghaidh gníomhaíochtaí iniúcháireachta. Déanann baill foirne taisteal idirnáisiúnta anois agus arís le haghaidh gníomhaíocht a bhaineann leis an obair.

In 2024, chomhlíon an Oifig Ciorclán 01/2020: Nósanna imeachta chun astaíochtaí a bhaineann le haerthaisteal oifigiúil a fhritháireamh. Rinne an Oifig amach luach a cuid astaíochtaí ó aerthaisteal oifigiúil a rinneadh sa bhliain agus d'íoc an méid sin leis an gCiste um Ghníomhú ar son na hAeráide.

Gníomhaíochtaí inbhuanaitheachta

Rinne an Oifig na gníomhaíochtaí seo a leanas in 2024 i ndáil le saothrú spriocanna na hOifige i ndáil le gníomhú ar son na haeráide

- cláraíodh le feachtas “Úsáid Níos Lú” atá faoi bhainistíocht Údarás Fuinnimh Inmharthana na hÉireann
- glacadh páirt leanúnach i gclár luathaithe Údarás Fuinnimh Inmharthana na hÉireann, ina raibh ceardlanna/máistir-ranganna maidir le pleanáil, forfheidhmiú agus cothú cláir rannpháirtíochta foirne
- rinneadh tionscadal chun tomhaltas leictreachais a laghdú trí chórais agus trealamh líonraí leagáide a dhíchoimisiúnú
- coinníodh ar bun an treoir ón rialtas maidir le socruithe teochta laghdaithe agus tréimhsí téimh giorraithe i bhfoirgnimh na hearnála poiblí.

Deimhniú ISO 27001

In 2024, d'éirigh leis an Oifig aistriú go leagan nuashonraithe 2022 de chaighdeán idirnáisiúnta ISO/IEC 27001. Deimhnítear leis an gcaighdeán sin go gcomhlánaíonn córas bainistíochta slándála faisnéise (ISMS) na hOifige na ceanglais maidir le caighdeán idirnáisiúnta le haghaidh faisnéis a chosaint.

Acht na dTeangacha Oifigiúla

Tosaíodh feidhm Scéim Gaeilge na hOifige, mar a cheanglaítear faoi Acht na dTeangacha Oifigiúla, 2003, i mí an Mhárta 2018 agus tá sé ar fáil ag www.audit.gov.ie. De réir mar a léirítear i bhforálacha an Achta, ceanglaítear leis an scéim foilsiú comhuaineach doiciméad áirithe i mBéarla agus i nGaeilge. Tá an Oifig tiomanta d'fhoilsiú na spriocdhoiciméad ar fad go comhuaineach.

In 2024, foilsíodh gach foilseachán corparáideach ar díriodh air faoin scéim go comhuaineach i nGaeilge agus i mBéarla.

De thoradh an achair ama reachtúil dhocht nach mór na hiniúchtaí ar chuntais leithreasa a dhéanamh laistigh de, bhí sé dúshlánach na cuntais deimhnithe agus aon tuarascáil maidir le hábhair a d'eascair as na hiniúchtaí sin a fhoilsiú go comhuaineach sa dá theanga.

Bhí 44 as na 45 cuntas leithreasa le haghaidh 2023 a foilsíodh ar an 30 Meán Fómhair 2024 ar fáil i mBéarla agus i nGaeilge ar an lá foilsithe céanna, agus bhí na 45 cuntas ar fad foilsithe i nGaeilge a luaithe a sholáthair an roinn ábhartha an leagan Gaeilge a bhí fágtha dúinn. Bhí 14 as na 24 caibidil i dTuarascáil 2023 ar Chuntais na Seirbhísí Poiblí a foilsíodh ar an 30 Meán Fómhair 2024 ar fáil i mBéarla agus i nGaeilge ar an lá foilsithe, agus bhí na caibidlí eile foilsithe i nGaeilge faoin 8 Deireadh Fómhair 2024.

Nochtuithe

Is duine forordaithe faoin reachtaíocht maidir le nochtuithe cosanta é an tArd-Reachtair Cuntas agus Ciste. Is féidir aon nochtadh maidir le haon ábhar a bhaineann le húsáid mhíchuí as cistí poiblí agus acmhainní poiblí, nó a bhaineann le luach ar airgead i ndáil le heintitis a thagann faoina raon feidhme, a chur faoi bhráid na hOifige.

Is féidir treoir maidir leis an gcaoi chun nochtadh cosanta a dhéanamh a fháil ar ár suíomh gréasáin www.audit.gov.ie.

Is féidir Tuarascáil na hOifige maidir le nochtuithe cosanta don tréimhse idir an 1 Eanáir go dtí an 31 Nollaig 2024 a fháil ar ár suíomh gréasáin anseo.

Íocaíochtaí Prasa

Cloíonn an Oifig leis an Acht um Íoc Pras Cuntas, 1997. Foilsítear ár dTuirisceáin Íocaíochta Pras ar ár suíomh gréasáin ar bhonn ráithiúil anseo.

Tuarascáil Feidhmíochta



Oifig an Ard-Reachtair Cuntas agus Ciste
Office of the Comptroller and Auditor General

2026

2025

2024

2023

2022

2021